



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) Rruga "MIGJENI" (ish-Banka e Ljublanës) Kati V-të, Prishtinë, Kosovë
Tel: + 383 38 212 309 e-mail: oshp@rks-gov.net

PSH.
Nr.2024/0047

Në bazë të nenit 105, 106 dhe 117 të Ligjit për Prokurim Publik të Kosovës (Ligji Nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së OE "ND" SH.P.K., kundër Vendimit për anulimin e procedurës së prokurimit lidhur me aktivitetin e prokurimit "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5" me numër të prokurimit KEK-23-1746-1-2-1, inicuar nga autoriteti kontraktues (AK) – "Korporata Energjetike e Kosovës" SH.A Panelit Shqyrtues në përbërje nga Vedat Poterqoi-kryetar me datën: 13.03.2024, mori këtë:

VENDIM

Hedhet si e palejuar, ankesa e OE "ND" SH.P.K., me nr. të protokollit 2024/0047, e datës 15.01.2024, ankesë kjo e parashtruar për aktivitetin e prokurimit "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5", me numër të prokurimit KEK-23-1746-1-2-1, inicuar nga autoriteti kontraktues (AK) – "Korporata Energjetike e Kosovës" SH.A, kjo ankesë nuk mund të shqyrtohet, pasi që Operatori ekonomik konsiderohet si palë pa interes juridik material konform nenit 4 paragrafi 1.26 të LPP-së.

I lejohet, autoritetit kontraktues – "Korporata Energjetike e Kosovës" SH.A, që të vazhdoj më tutje me aktivitetin e prokurimit "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5", me numër të prokurimit KEK-23-1746-1-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Në përfundim me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Arsyetim

-Faktet dhe rrethanat procedurale-

Me datë 07.03.2023, "Korporata Energjetike e Kosovës" SH.A, ka publikuar B05-Njoftimin për kontratë lidhur me aktivitetin e prokurimit: "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5", me numër të prokurimit KEK-23-1746-1-2-1.

Me 20.12.2023 AK ka publikuar njoftimin B58 Njoftimin mbi vendimin e Autoritetit Kontraktues, ku sipas këtij njoftimi anulohet aktiviteti i prokurimit.

OE "ND" SH.P.K., me datën 26.12.2023 kishte parashtruar kërkesë për rishqyrtim kundër vendimit të AK të datës 20.12.2023, ndërsa AK me datën 04.01.2024, ka refuzuar si të pa bazuar kërkesën për rishqyrtim të OE ankues.

Organi Shqyrtues i Prokurimit në sistemin elektronik me datë 15.01.2024 ka pranuar ankesën me Nr. protokolli 0047/2024 nga operatori ekonomik "ND" SH.P.K., lidhur me aktivitetin e prokurimit me titull: "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5", me numër të prokurimit KEK-23-1746-1-2-1, iniciuar nga "Korporata Energjetike e Kosovës" SH.A, në cilësinë e Autoritetit Kontraktues.

- Vlerësimi dhe administrimi i provave –

Nga provat e prezantuara, për aktivitetin e prokurimit "Furnizim me valva të avullit me kontratë flanaxha për fryrësat e blozës ne kazanin e bl.A3,A4,A5" me numër të prokurimit KEK-23-1746-1-2-1, iniciuar nga "Korporata Energjetike e Kosovës" SH.A, konstatohet se njoftimi për kontratë është publikuar në sistemin e-prokurimi me datë 07.03.2023. Operatori ekonomik me të dhënat e cekura si më lartë, me datën 15.01.2023, si pale e pakënaqur me vendimin e AK-së së datës 20.12.2023, ka parashtruar ankesë në OSHP (Protokoll 0047/2024).

Organi Shqyrtues i Prokurimit, pas shqyrtimit dhe realizimit të të gjitha provave dhe shkresave të lëndës, konstaton se për këtë procedurë të prokurimit OE "ND" SH.P.K., ka qen i rekomanduar për kontratë më parë në ankesë në OSHP, me numër të protokollit 2023/0603, për të cilin OSHP me datën 13.11.2023, ka publikuar vendimin 2023/0603, me të cilin OE ankues është cilësuar si i pa përgjegjshëm lidhur me aktivitetin e prokurimit andaj edhe është eliminuar nga pjesëmarrja.

OSHP pas shqyrtimit dhe analizimit të gjithë dokumentacionit të ankesës dhe procedurës së prokurimit në kontekstin shpjegimeve si me sipër, e posaçërisht duke i kushtuar kujdesin e duhur po ashtu dhe natyrës dhe qëllimit të pretendimeve ankimore, palëve në procedurë u konstatua se ankuesi cilësohet si palë pa interes juridik material, ku nder të tjera vihet në zbatim neni 103 i LPP, sipas të cilit, "Dispozitat e kësaj pjese përcaktojnë të drejtat themelore dhe procedurale dhe mjetet juridike në dispozicion të palëve të interesuara siç është përkufizuar ky term ("pale e interesuar") në nenin 4 (të këtij ligji)". Kuptimi i kësaj dispozite vërteton fare qartë mendimin e OSHP se, mjetet juridike mund të vihen në lëvizje vetëm nga palët e interesuara duke ju referuar në këtë rast pikërisht përkufizimit të dhënë në nenin 4 të LPP.

Prandaj bazuar në kuptimin e nenit 4, të LPP, lidhur me nenin 103 dhe 111, të këtij Ligji, Paneli shqyrtues konsideron se parashtruesi i saj nuk mund të konsiderohet palë e interesuar dhe se nuk ka nevojë të lëshohet në vlerësimin merititor të pohimeve specifike të kësaj Ankese, sepse të njëjtat

janë jo lëndore në kuptim të nenit 111 të LPP dhe për këtë çështje juridike janë dhënë vendimi me Nr.2023/0603 me datën 13.11.2023, me të cilin vendim ka kthyer aktivitetin e prokurimit në fjalë në rivlerësim ndërsa OE “ND” SH.P.K., është vlerësuar si i papërgjegjshëm andaj edhe është eliminuar nga aktiviteti i prokurimit.

Pas vlerësimit dhe administrimit të të gjitha provave përkitazi me këtë procedurë të prokurimit, OSHP konsideron se ankesa e OE ankues e pranuar në OSHP me datën 15.01.2024 është e palejuar sepse e njëjta është çështje e gjykuar “Res Judicata” më parë dhe për të njëjtin tashmë është marrë vendim.

Nga të gjitha sqarimet e cekura si më lartë, OSHP e hedhë si të pa lejuar ankesën e parashtruar me datën 15.01.2024 me nr. protokolli 0047/2024 nga operatori ekonomik “ND” SH.P.K., sepse ankesa për këtë procedurë të prokurimit, konsiderohet çështje e gjykuar sipas paragrafit 2.16 të nenit 105 të Ligjit për Prokurim Publik, ku thuhet: *“Në rastet e përsëritura me pretendimet e njëjta ankimore, kur objekti i kontestit dhe palët janë të njëjta, për raste të cilat janë shqyrtuar më parë, kryetari i panelit shqyrtues duhet të trajtoj si çështje të gjykuar “res judicata”, dhe konform nenit 4, 1. 26 të ligjit, OE ankues “ND” SH.P.K., me emrin tregtar konsiderohet si palë pa interes juridik për shkak se me vendimin 603/23, i njëjti është konsideruar si i papërgjegjshëm, prandaj Ankuesi nuk mund të arrijë të dëshmojë se ka statusin e palës së interesuar sipas dispozitës 4, 1.26 të LPP-së.*

Autoriteti kontraktues – “Korporata Energjetike e Kosovës” SH.A, mund të vazhdoj më tutje me aktivitetin e prokurimit (e përshkruar me sipër) nëse nuk ka ankesë tjetër për këtë aktivitet. Organi Shqyrtues i Prokurimit i vë në dijeni se në çdo aktivitet AK duhet të veproj konform dispozitave dhe autorizimeve ligjore siç përcaktohen ato me nenin 1, 6, 7, 27, 28, 59, 60, 65 të LPP.

Duke qenë se OE ankues me rastin e parashtrimit të ankesës ka paguar tarifë, e njëjta konform nenit 31, par 4 të Rregullores së Punës së OSHP-së, i kthehet OE ankues. I njëjti obligohet që kërkesën për kthim të mjeteve ta parashtrojë brenda gjashtëdhjetë (60) ditëve sipas nenit 31 par 6 të rregullores së cituar më lartë.

Kryetari i PSH-së, duke u bazuar në atë që u tha si më lartë, vendosi si në dispozitiv të këtij vendimi.



Kryetari i Panelit Shqyrtues

Vedat Poterqoi

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.